

KANTONALNI SUD U TUZLI

I N F O R M A C I J A
O RADU KANTONALNOG SUDA U TUZLI
ZA 2021. GODINU

Tuzla, februar 2022. godine

UVODNE NAPOMENE

Organizacija, nadležnost i finansiranje pravosuđa, kao i druga pitanja značajna za organizaciju i funkcionisanje sudova na teritoriji Federacije Bosne i Hercegovine uređena su Zakonom o sudovima u Federaciji Bosne i Hercegovine („Službene novine Federacije BiH“, broj 38/05, 22/06, 63/10, 72/10, 7/13 i 52/14).

Odredbom člana 63. navedenog Zakona propisano je da sud podnosi godišnju informaciju o svom radu za proteklu godinu nadležnom ministarstvu pravde i Visokom sudskom i tužilačkom vijeću Bosne i Hercegovine.

U skladu sa prethodno navedenom zakonskom odredbom cilj ove informacije je da se nadležni organi upoznaju sa radom Kantonalnog suda u Tuzli u prethodnom periodu kroz pregled rada osnovnih organizacionih jedinica suda – Odjeljenja sudske uprave, Krivičnog, Građanskog i Upravnog odjeljenja.

I – SUDSKA UPRAVA

Poslovi kojima se obezbjeđuju uslovi za pravilan rad i poslovanje suda obavljaju se u okviru Sudske uprave.

Poslovi Sudske uprave u toku 2021. godine uspješno su obavljani, što je dalo dobre rezultate u pogledu kvantiteta i kvaliteta rada suda.

Kantonalni sud u Tuzli na početku 2021. godine imao je ukupno 80 zaposlenika, od čega 26 sudija, uključujući i predsjednika suda i 54 zaposlenika. U mjesecu martu i avgustu 2021. godine VSTV BiH je imenovao dvoje sudija u ovaj sud, s tim da je u 2021. godini dvoje sudija ispunile uslove za odlazak u penziju, radi čega im je prestao mandat sudije, dok je jedan sudija imenovan na poziciju sudije u drugi sud. Tako da je krajem 2021. godine, ukupno u sudu bilo 25 sudija i 50 zaposlenika, od toga dva zaposlenika sa statusom zaposlenika na određeno vrijeme. U 2021. godini, radni odnos je prestao za 5 zaposlenika i to za 2 zaposlenika zbog odlaska u penziju, za jednog zbog smrti i za 2 zbog prelaska na druge pozicije.

Sudije su raspoređene u okviru tri odjeljenja:

- Građanskog odjeljenja
- Krivičnog odjeljenja i
- Upravnog odjeljenja

i to tako što je u Građansko odjeljenje raspoređeno 15 sudija, u Krivično odjeljenje 7 sudija, a u Upravno odjeljenje 2 sudija.

U toku 2021. godine raspisan je konkurs za izbor četiri sudija od toga dvoje sudija na građanski referat i dvoje sudija na krivični referat, za čiji izbor su sredstva obezbjeđena u budžetu ovog suda, ali procedura izbora ovih sudija još nije završena od strane Visokog sudskog i tužilačkog vijeća Bosne i Hercegovine.

Obzirom da još uvijek nije popunjena sistematizacija ovog suda, jer pored izbora 4 sudije, za koje procedura još uvijek traje, ovom sudu po sistematizaciji nedostaje još 5 redovnih sudija. Iz tih razloga za 2022. godinu uspjeli smo obezbijediti sredstva u budžetu suda za popunu 2 pozicije sudija, tako da ćemo u narednom periodu tražiti saglasnost od strane Vlade Tuzlanskog kantona za raspisivanje konkursa za popunu ovih upražnjenih pozicija. Kantonalni sud u Tuzli pod svojom jurisdikcijom ima 8 općinskih sudova, pa povećanje broja sudija i stručnih saradnika u općinskim sudovima dovelo je do povećanja broja neriješenih predmeta u Kantonalnom sudu u Tuzli, imajući u vidu nesrazmjer u pogledu broja sudija ovog suda i sudija općinskih sudova.

Odlukama Visokog sudskog i tužilačkog vijeća BiH broj 06-08-5-56-3/2021 od 21.01.2021 i broj 06-08-5-56-14/2021 od 19.05.2021. godine troje sudija Kantonalnog suda u Odžaku privremeno je upućeno na rad u Kantonalni sud u Tuzli radi otklanjanja, zaostalih neriješenih predmeta, s tim što je jedan sudija određen samo kao član vijeća, tako da je na rješavanje predmeta Kantonalnog suda u Tuzli upućeno 2 sudija, koji su radili na rješavanju predmeta iz građansko – pravne oblasti, te su svojim radom na konkretnim predmetima doprinijeli rješavanju znatnog broja predmeta ove vrste.

Kantonalni sud u Tuzli u 2021. godini imao je na početku godine 54 zaposlenika, a na kraju godine 50 zaposlenika, od čega 3 državna službenika. Još uvijek postoji potreba za većim brojem viših referenata za operativno – tehničke poslove (daktilografa), jer se obim posla stalno povećava, a zbog nedovoljnog broja administrativno – tehničkog osoblja težište posla se prenosi na postojeće zaposlenike, a što se sve odražava na njihovo zdravstveno stanje i njihov odlazak na opravdana bolovanja, a to sve utiče na efikasan proces rada u sudu.

U 2021. godini uspješno je realizovan Program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji BiH i drugih institucija koje se bave stručnim osposobljavanjem sudija, iako su skoro svi seminari bili organizovani on-line zbog situacije izazvane Corona virusom u trajanju od 3 dana, kako je to i određeno Odlukom Visokog sudskog i tužilačkog vijeća BiH.

Tokom 2021. godine nekoliko sudija je zbog problema sa virusom COVID-a bilo odsutno s posla, a dvoje sudija se nalazilo na dužem bolovanju zbog drugih zdravstvenih problema i to jedan sudija sa građanskog referata i jedan sudija sa drugostepenog krivičnog referata, a što se u konačnici odrazilo na ukupan broj riješenih predmeta i realizaciju postavljenih programskih ciljeva. Ostala odsustva sudija bila su u skladu sa zakonom, a radi se o odsustvu po osnovu godišnjeg odmora, državnih i vjerskih praznika, te odsustvu zbog obavljanja edukativne aktivnosti.

U 2021. godini u Kantonalnom sudu u Tuzli nije bilo odsustva nosilaca pravosudnih funkcija po osnovu prisustva međunarodnim stručnim konferencijama ili radi studijske posjete pravosudnim institucijama drugih država.

Ustavni sud Bosne i Hercegovine koji ima apelacionu jurisdikciju za pitanja iz Ustava BiH koja se pojave na osnovu presuda bilo kojeg suda u Bosni i Hercegovini u pogledu prava iz Ustava Bosne i Hercegovine, a između ostalog i prava zagaranтованих Evropskom Konvencijom o ljudskim pravima i osnovnim slobodama, donio je 112 odluka povodom predmeta koji su se nalazili u radu kod ovog suda, od čega u 4 predmeta odluke kojima se odbacuje apelacija, u 50 predmeta odluke kojima se odbija apelacija, u 58 predmeta odluke kojima se usvaja ili djelimično usvaja apelacija po članu 6. Evropske Konvencije o zaštiti o ljudskim pravima. Ustavni sud BiH u svojoj odluci nije se odredio da li je prekoračenju razumnog roka za rješavanje predmeta doprinos bio na strani prvostepenog ili drugostepenog suda, nego je naveo da su takvom postupanju uticali redovni sudovi. U većini predmeta kojima je usvojena apelacija od strane Ustavnog suda BiH, radilo se o završenim predmetima u kojima su stranke nakon okončanja postupka podnosile apelacije zbog povrede člana 6. Evropske Konvencije o zaštiti o ljudskim pravima, s ciljem ostvarivanja prava na naknadu materijalne štete.

II – OSTVARENI REZULTATI U RADU NA PLANU RJEŠAVANJA PREDMETA U 2021 GODINI

Kantonalni sud u Tuzli donio je Plan rješavanja predmeta za 2021. godinu pod brojem 003-0-Su-20-000 782 od 20.01.2021. godine koji je dostavio Visokom sudskom i tužilačkom vijeću Bosne i Hercegovine. Na dan 01.01.2021. godine ukupno je u sudu bilo neriješenih 6.507 predmeta na svim referatima, od čega na **krivičnom referatu** 463 predmeta, na **građanskom referatu** 5.725 predmeta, na **referatu upravnog spora** 306 i na **referatu sudske uprave** 13 predmeta.

U tački II Plana određeno je da sudija treba da riješi **80%** predmeta od godišnjeg normativa definisanog za način završetka „odluka u meritumu“ referata na kojem sudija postupa, a preostali dio norme u procentu od **20%**

sudija će ostvariti rješavajući procesne i po zakonu hitne predmete koji zbog vremena podnošenja inicijalnog akta nisu uključeni u Plan.

Kantonalni sud u Tuzli u skladu sa tačkom 5. Izmjene i dopune Uputstva za izradu plana rješavanja predmeta bio je u obavezi svaka tri mjeseca donositi planove sa određenim brojem „predmeta po starosti inicijalnog akta“ koje je svaki sudija bio dužan staviti u rad u tromjesečnom periodu, a ti planovi su bili sastavni dio Plana rješavanja predmeta za 2021. godinu.

U skladu sa donesenim Planom u Tabeli 1. prikazan je Pregled plana rješavanja predmeta po starosti inicijalnog akta i broju sudija u izvještajnom periodu od 01.01.2021. godine do 31.12.2021. godine, a u Tabeli 2. Pregled riješenih, neriješenih predmeta iz plana i procenat realizacije plana prikazan po starosnim kategorijama

Tabela 1 – Pregled plana rješavanja predmeta po starosti inicijalnog akata i broj sudija

REFERAT	Broj sudija koji su radili na predmetima iz plana na referatu	Predmeti inicirani 2021.g.	Predmeti inicirani 2020.-2019.g.	Predmeti inicirani 2018.-2017.g.	Predmeti inicirani 2016.-2013.g.	Predmeti inicirani 2012.-2008.g.	Predmeti inicirani 2007.g. i ranije	Ukupno predmeta u planu
IZVRŠNO	17	0	6	51	291	105	33	486
KRIVIČNO	6	5	392	144	76	9	2	628
PARNIČNO	17	0	1	539	784	61	12	1.397
PREKRŠAJNO	1	25	219	8	2	0	0	254
PRIVREDNO	17	0	0	80	112	4	2	198
UPRAVNO	2	30	326	4	4	0	0	364
VANPARNIČNO	17	12	14	15	59	6	0	106
ZEMLJIŠNO-KNJIŽNO	17	0	1	57	141	0	1	200
UKUPNO:	25	72	959	898	1.469	185	50	3.633

Tabela 2 – Pregled riješenih, neriješenih predmeta iz plana i procent realizacije plana prikazan po starosnim kategorijama

	Predmeti inicirani 2021.g	Predmeti inicirani 2020.-2019.g	Predmeti inicirani 2018.-2017.g	Predmeti inicirani 2016.-2013.g	Predmeti inicirani 2012.-2008.g	Predmeti inicirani 2007.godine i ranije	Ukupan broj predmeta
Broj predmeta u planu	90	941	898	1.469	185	50	3.633
Neriješeni predmeti iz plana	0	8	1	3	0	0	12
Riješeni predmeti iz plana	90	933	897	1.466	185	50	3.621
% realizacije	100%	99,15%	99,89%	99,80%	100%	100%	99,67%

I – Ocjena u pogledu stepena realizacije Plana

Kantonalni sud u Tuzli u skladu sa Planom rješavanja predmeta riješio je do 31.12.2021. godine na svim referatima ukupno **3.621 predmet**, te ostvario procent realizacije plana na nivou svih referata od **99,67%**, s tim što valja dodati da se dvoje sudija nalazilo na dužem bolovanju u toku godine, a još dvoje sudija je steklo uslove za odlazak u penziju i to jedan sa danom 01.03.2021. godine, a drugi sudija sa danom 09.11.2021. godine, pa je i to od faktora koji je uticao na ukupan broj predmeta koji su se mogli završiti u toku godine.

Na kraju izvještajnog perioda ostalo je neriješenih 12 prvostepenih krivičnih predmeta, iz razloga njihove složenosti i dugotrajnosti dokaznog postupka, a radi se o najsloženijim krivičnim predmetima, gdje je potrebno vrijeme za sprovođenje dokaznog postupka i rješavanje predmeta.

Od 3.621 predmeta koliko je riješeno iz plana, riješeno je 50 predmeta iniciranih 2007. godine i ranije, 185 predmeta iniciranih 2012. – 2008 godina, 1.469 predmeta iniciranih 2016. – 2013. godina, 898 predmeta iniciranih 2018. – 2017. godina, 941 predmet iniciran od 2020. godine do 2019. godine i 90 predmeta inicirana 2021. godine.

II – Predmeti sa procesnim ili zakonskim smetnjama u sudu

U toku perioda za koji je donesen plan ukupan broj predmeta iz plana koji su označeni kao predmeti sa procesnim ili zakonskim smetnjama **ukupno 11 predmeta** i radi se isključivo o krivičnim predmetima u kojima su raspisane potjernice zbog nedostupnosti optuženih, zbog čega se na ovim predmetima nije moglo aktivno raditi.

III – KVANTITET RADA

Kantonalni sud u Tuzli ostvario je u 2021. godini **kolektivnu normu suda u procentu od 114,80%**.

Pregled ostvarene godišnje norme pojedinačno po sudijama je slijedeći:

Redni broj	Prezime i ime sudije	Procenat norme
1.	Hadžimehmedović Indira, predsjednik suda	110,74%
2.	Razić Asja, predsjednik Građanskog odjeljenja	119,28%
3.	Helić Vildana, predsjednik Krivičnog odjeljenja	261,55%
4.	Krsmanović Predrag, predsjednik Upravnog odjeljenja	102,92%
5.	Duraković Amela (period od 01.01.2021. do 15.08.2021.)	61,97%
6.	Lekić Smiljana	106,19%
7.	Admir Biščić (period od 16.08.2021. do 31.12.2021.)	41,42%
8.	Radovanović Petar (period od 01.01.2021.do 09.11.2021.) bio na bolovanju 96 dana	60,03%
9.	Brkić Emina	114,02%
10.	Ferizbegović Amira	100,14%
11.	Begović Tenzila	109,62%
12.	Sarajlić Jasna	114,94%
13.	Jović Verica	110,82%
14.	Stanković Silva	107,26%
15.	Mihaela Jovanović (period 01.03.2021.-31.12.2021.)	85,77%
16.	Delić Amela	106,64%
17.	Škripić Aida	118,53%
18.	Halilović Vahida	115,77%
19.	Baraković Sabira	111,30%
20.	Porobić Huso, bio na bolovanju 70 dana	79,58%
21.	Džanić Rozalija	184,81%
22.	Sušić Mersida	140,10%
23.	Jusičić Samir	129,80%
24.	Gutić Merima	119,01%
25.	Softić Paša, bila na bolovanju 206 dana	45,89%
26.	Latifović Faruk	108,83%
27.	Kamberović Hadžiefendić Šejla	107,05%

Norma sudija kreće se u rasponu od 41,42% - 261,55%.

Sudija koji je ostvario normu od 41,42% je novoimenovani sudija koji je počeo raditi u Kantonalnom sudu u Tuzli 16.08.2021. godine, a do tada je radio kao sudija u drugom sudu.

Sudija koja je ostvarila normu od 261,55% je predsjednik Krivičnog odjeljenja ovog suda.

IV – KVALITET RADA

Kvalitet rada suda izražava se u procentu potvrđenih, preinačenih i ukinutih odluka u predmetima koji su rješavani po žalbama i vanrednim pravnim lijekovima na Vrhovnom sudu Federacije Bosne i Hercegovine, a ocjenjuje se kroz rad sudija na referatima na kojima su raspoređene sudije u okviru sudskih odjeljenja. U pogledu kvaliteta donesenih odluka ovaj sud je postigao dobre rezultate, **jer je kvalitet sudskih odluka na svim referatima ostvaren u procentu od 88,88%.**

U sudu je ukupno doneseno 4.347 odluka na koje se može izjaviti pravni lijek. Ožalbeno je 364 odluka ovog suda, od kojih je u 160 predmeta odbačen pravni lijek, u 274 predmeta potvrđena je odluka, u 35 predmetu odluka je preinačena, u 50 predmeta odluka je u cjelosti ukinuta, a u 5 predmeta djelimično ukinuta. U 19 predmeta, predmet je vraćen ovom sudu na ponovno suđenje.

I u 2021. godini sud je zadržao kvalitet rada na svim referatima.

Pregled ostvarenog kvaliteta rada pojedinačno po sudijama

Ime i prezime sudije	Broj donesenih odluka na koje se može izjaviti pravni lijek	Broj ožalbenih odluka	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Procent ukinutih odluka u odnosu na ukupan broj potvrđenih, preinačenih i ukinutih odluka	Procent ukinutih odluka u odnosu na ukupan broj donesenih odluka na koje se može izjaviti pravni lijek
Indira Hadžimehmedović	64	0	0	0	0	0	Nije imala ukinutih odluka	Nije imala ukinutih odluka
Amela Duraković	108	4	4	0	0	0	Nije imala 10 ožalbenih odluka	Nije imala 10 ožalbenih odluka
Smiljana Lekić	218	6	4	2	0	0	Nije imala 10 ožalbenih odluka	Nije imala 10 ožalbenih odluka
Asja Razić	196	5	5	0	0	0	Nije imala 10 ožalbenih odluka	Nije imala 10 ožalbenih odluka

Emina Brkić	230	4	4	0	0	0	Nije imala 10 ožalbenih odluka	Nije imala 10 ožalbenih odluka
Šejla Kamberović Hadžiefendić	218	3	3	0	0	0	Nije imala 10 ožalbenih odluka	Nije imala 10 ožalbenih odluka
Tenzila Begović	228	4	4	0	0	0	Nije imala 10 ožalbenih odluka	Nije imala 10 ožalbenih odluka
Jasna Sarajlić	222	6	6	0	0	0	Nije imala 10 ožalbenih odluka	Nije imala 10 ožalbenih odluka
Faruk Latifović	211	2	2	0	0	0	Nije imala 10 ožalbenih odluka	Nije imala 10 ožalbenih odluka
Verica Jović	226	6	4	2	0	0	Nije imala 10 ožalbenih odluka	Nije imala 10 ožalbenih odluka
Silva Stanković	210	4	4	0	0	0	Nije imala 10 ožalbenih odluka	Nije imala 10 ožalbenih odluka
Mihaela Jovanović	176	2	1	0	1	0	Nije imala 10 ožalbenih odluka	0,57%
Amela Delić	167	9	7	2	0	0	Nije imala 10 ožalbenih odluka	Nije imala 10 ožalbenih odluka
Aida Škripić	216	6	4	1	1	0	Nije imala 10 ožalbenih odluka	0,46%
Vahida Halilović	233	9	9	0	0	0	Nije imala 10 ožalbenih odluka	Nije imala 10 ožalbenih odluka
Sabira Baraković	224	9	6	1	1	1	Nije imala 10 ožalbenih odluka	0,67%
Merima Gutić	120	58	37	3	15	3	28,45%	13,75%
Vildana Helić	36	8	6	0	2	0	Nije imala 10 ožalbenih odluka	5,56%
Rozalija Džanić	32	15	10	0	5	0	33,33%	15,63%

Mersida Sušić	108	44	32	4	8	0	18,18%	7,41%
Samir Jusičić	53	32	25	3	4	0	12,50%	7,55%
Predrag Krsmanović	209	29	20	7	2	0	6,90%	0,96%
Amira Ferizbegović	226	3	2	0	1	0	Nije imala 10 ožalbenih odluka	0,44%
Paša Softić	11	17	11	1	5	0	Ne vrši se ocjenjivanje, jer je sudija bila na dužem bolovanju	Ne vrši se ocjenjivanje, jer je sudija bila na dužem bolovanju
Huso Porobić	12	2	2	0	0	0	Sudija nije ocijenjen, otišao u penziju	Sudija nije ocijenjen, otišao u penziju
Petar Radovanović	61	2	0	2	0	0	Sudija nije ocijenjen, otišao u penziju	Sudija nije ocijenjen, otišao u penziju
Admir Biščić	84	0	0	0	0	0	Sudija nije ocijenjen u ovom sudu	Sudija nije ocijenjen u ovom sudu

Iz navedene tabele slijedi da je najbolji kvalitet sudskih odluka postignut na građanskom referatu i referatu upravnog spora u odnosu na kvalitet sudskih odluka na krivičnom referatu, jer kod nekoliko sudija na ovom referatu evidentiran je procent ukinutih odluka u većem postotku.

U odnosu na prethodnu 2020. godinu, kvalitet rada suda u 2021. godini također je na visokom nivou i nije značajnije promijenjen. Naime, u 2020. godini kvalitet sudskih odluka na svim referatima ostvaren je u procentu od 90,65%, dok je u 2021. godini kvalitet sudskih ostvaren u procentu od 88,88%.

V – PROTOK PREDMETA I REZULTATI RADA SUDA

Kantonalni sud u Tuzli započeo je 2021. godinu sa prenesenih 6.507 neriješenih predmeta na svim referatima, a od tog broja na građanskom referatu preneseno je 5.725 predmeta, na krivičnom referatu 416 predmeta i na referatu upravnog spora 306 predmeta, 47 prekršajnih predmeta i 13 predmeta sudske uprave. U toku 2021. godine primljeno je na svim

referatima ukupno 5.461 predmeta i najviše predmeta primljeno je na građanskom referatu 2.713 predmeta, na krivičnom referatu 1.615 predmeta, na referatu upravnog spora 404 predmeta, na prekršajnom referatu 382 predmeta i na referatu sudske uprave 347 predmeta.

U odnosu na 2020. godinu kada je na svim referatima primljeno 5.268 predmeta, u 2021. godini primljeno je 5.461 predmeta, što predstavlja povećanje za 193 predmeta ili procentualno 3,66%. U 2020. godini na građanskom referatu primljeno je 2.759 predmeta, dok je u 2021. godini primljeno 2.713 predmeta, što predstavlja smanjenje za 46 predmeta ili procentualno 1,6%. Na krivičnom i prekršajnom referatu u odnosu na 2020. godinu kada je primljeno 1.874 predmeta, u 2021. godini primljeno je 1.997 predmeta, što predstavlja povećanje za 123 predmeta u odnosu na 2020. godinu ili procentualno 6,56%. Na referatu upravnog spora u odnosu na 2020. godinu kada je primljeno 343 predmeta, u 2021. godini primljeno je 404 predmeta, što predstavlja povećanje za 61 predmet ili procentualno 17,78 %.

Ukupno u radu na svim referatima bilo je 11.968 predmeta, što u odnosu na 2020. godinu kada je u radu bilo ukupno 13.437 predmeta predstavlja smanjenje za 1.469 predmet ili procentualno **10,93%**. U 2021. godini riješeno je na svim referatima 6.550 predmeta, što predstavlja smanjenje broja riješenih predmeta za 375 predmeta u odnosu na 2020. godinu kada je na svim referatima riješeno 6.928 predmeta.

Na kraju 2021. godine na svim referatima je ostalo neriješeno 5.418 predmeta, što u odnosu na 2020. godinu kada je ostalo 6.507 predmeta predstavlja smanjenje broja neriješenih predmeta za 1.089 predmeta ili procentualno 20%.

Kantonalni sud u Tuzli uspio je u 2021. godini riješiti više od tekućeg priliva predmeta i smanjiti broj neriješenih predmeta za 20%, ali sigurno bi rezultati bili još bolji da je sud bio popunjen sa pozicijama 4 sudija za koje pozicije je raspisan konkurs, i da neke sudije nisu bile na dugotrajnom bolovanju.

Na slijedećoj tabeli prikazan je protok predmeta u sudu po osnovnim referatima:

Protok predmeta u Kantonalnom sudu Tuzla za 2021.godinu

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda
IZVRŠNO	890	480	1370	799	571
I-Gž	618	316	934	510	424
I-Gži	33	0	33	30	3

I-R	0	1	1	1	0
Ip-Pž	109	35	144	86	58
Ip-R	0	1	1	1	0
Mal-Gži	25	41	66	43	23
Mals-Pžip	2	3	5	2	3
P-Gži	61	50	111	72	39
Ps-Pžip	10	7	17	11	6
Rs-Rsži	17	21	38	31	7
V-Gži	15	5	20	12	8
KRIVIČNO	416	1615	2031	1603	428
K-Iksž	1	50	51	51	0
K-K	34	51	85	38	47
K-Kbs	7	31	38	21	17
K-Kp	1	8	9	7	2
K-Kpp	18	128	146	122	24
K-Kps	10	44	54	43	11
K-Kr	1	0	1	0	1
K-Kv	30	262	292	258	34
K-Kvl	1	1	2	2	0
K-Kž	284	899	1183	941	242
K-Kžk	11	36	47	31	16
K-Mpom	18	48	66	47	19
K-Pom	0	1	1	1	0
K-R	0	55	55	41	14
Km-Kbs	0	1	1	0	1

PARNIČNO	3452	1557	5009	1960	3049
Dn-R	0	1	1	1	0
Kpu-Gž	3	3	6	2	4
Mal-Gvl	3	2	5	4	1
Mal-Gvlž	1	4	5	5	0
Mal-Gž	780	427	1207	438	769
Mal-R	0	3	3	3	0
P-Gvl	6	7	13	8	5
P-Gvlž	0	4	4	2	2
P-Gž	1337	600	1937	675	1262
P-Mo	0	2	2	2	0
P-Mož	2	11	13	12	1
P-R	0	3	3	3	0
Rs-Mo	0	1	1	1	0
Rs-Mož	2	2	4	3	1
Rs-R	0	2	2	2	0
Rs-Rsvl	1	1	2	1	1
Rs-Rsž	1317	484	1801	798	1003

PREKRŠAJNO	47	382	429	353	76
Pr-Mpom	1	0	1	1	0
Pr-Pžp	46	360	406	333	73
Pr-Pžpmž	0	1	1	1	0
Pr-R	0	20	20	17	3
Pr-Zmž	0	1	1	1	0

PRIVREDNO	587	207	794	316	478
L-Pž	1	0	1	1	0
Mals-Pvl	1	1	2	1	1
Mals-Pž	208	45	253	104	149
Ps-Mož	1	4	5	5	0
Ps-Pvl	0	1	1	0	1
Ps-Pž	363	146	509	190	319
Reg-Pž	12	3	15	8	7
St-Pž	1	7	8	7	1

SUDSKA UPRAVA	13	347	360	352	8
R-R	3	72	75	73	2
Su-Ap	10	275	285	279	6

UPRAVNO	306	404	710	493	217
U-R	0	6	6	6	0
U-U	305	364	669	460	209
U-Uvl	0	1	1	1	0
U-Uvp	0	31	31	23	8
U-Uz	1	2	3	3	0

VANPARNIČNO	199	365	564	376	188
O-Gvl	1	0	1	0	1
O-Gž	20	15	35	18	17
V-Gvl	1	1	2	2	0
V-Gž	156	64	220	82	138
V-Mpom	0	3	3	1	2
V-R	0	2	2	2	0
V-V	21	280	301	271	30

ZEMLJIŠNO- KNJIŽNO	597	104	701	298	403
Dn-Gž	455	70	525	222	303
Dn-Pž	142	34	176	76	100

UKUPNO	6507	5461	11968	6550	5418
---------------	-------------	-------------	--------------	-------------	-------------

VI – RAD KRIVIČNOG ODJELJENJA

U okviru Krivičnog odjeljenja poslovi su se obavljali kroz postojeće referate i to: referat za prethodni postupak, referat za prethodno saslušanje, prvostepeni i drugostepeni krivični referat i drugostepeni prekršajni referat.

U Krivičnom odjeljenju radilo je 7 sudija i to na prvostepenom krivičnom referatu 2 sudija, a 5 sudija na drugostepenom krivičnom referatu, s tim što jedan od ovih sudija istovremeno radio i na prvostepenom krivičnom referatu.

• Prvostepeni krivični referat

Na prvostepenom krivičnom referatu iz 2020. godine prenesena su 34 neriješena predmeta, a u 2021. godini primljen je 51 predmet, tako da je ukupno u radu bilo 85 predmeta. U 2021. godini riješeno je 38 predmeta, a ostalo na kraju godine neriješeno 47 predmeta, što predstavlja povećanje za 13 predmeta u odnosu na prethodnu 2020. godinu. Na prvostepenom krivičnom referatu predmeti ratnih zločina, predmeti korupcije i pritvorski predmeti imaju prioritet u radu, u odnosu na sve ostale predmete, iako u 2021. godini nije primljen ni jedan predmet ratnog zločina.

U strukturi krivičnih djela u predmetima koji su riješeni na prvostepenom krivičnom referatu najviše su zastupljena krivična djela – zloupotreba položaja ili ovlašćenja, porezna utaja, pronevjera u službi, razbojništvo, silovanje, trgovina ljudima, navođenje na prostituciju, krađa, ubistvo i teška djela protiv sigurnosti javnog prometa, a kako je to bilo i u prethodnoj godini.

• Drugostepeni krivični referat

U nadležnosti ovog referata je odlučivanje o žalbama izjavljenim protiv odluka donesenih od strane općinskih sudova u krivičnom postupku.

Na kraju 2020. godine ostalo je neriješeno 284 predmeta. U toku 2021. godine primljeno je 899 predmeta, tako da je ukupno u radu u ovoj godini bilo 1.183 predmeta. Riješen je 941 predmet, a ostalo je na kraju 2021. godine neriješeno 242 predmeta, što u odnosu na 2020. godinu predstavlja smanjenje broja neriješenih predmeta za 42 predmeta ili 14,78%.

• Rješavanje predmeta ratnih zločina

U skladu sa Uputstvom Visokog sudskog i tužilačkog vijeća BiH Kantonalni sud u Tuzli nije sačinio Plan rješavanja predmeta ratnih zločina, jer nije imao u radu ni jedan aktivan predmet. U sudu su evidentirana 2 predmeta ratnih zločina od kojih je jedan predmet blokiran, jer se optuženi

nalazi u bjekstvu i za njim je raspisana potjernica, dok je za drugi predmet doneseno rješenje o ustupanju krivičnog gonjenja drugoj državi u kojoj prebivalište ima osumnjičeno lice.

- **Rješavanje predmeta korupcije i organiziranog kriminala**

Iz 2020. godine prenesena su 4 neriješena predmeta korupcije. U toku 2021. godine primljeno je 7 predmeta, tako da je ukupno u radu bilo 11 predmeta i isključivo se odnose na krivično djelo – zloupotrebe položaja ili ovlaštenja, pronevjere u službi. U 2021. godini riješeno je 5 predmeta, a ostalo je neriješeno 6 predmeta i svi ti predmeti su aktivni, što znači da sudije u tim predmetima postupaju.

Od 5 završenih predmeta korupcije, 4 predmeta su završena osuđujućom presudom, kojom je osuđenim licima izrečena kazna zatvora, a 1 predmet završen je oslobađajućom presudom. U 4 predmeta u kojima je osuđenim osobama izrečena kazna zatvora, ista se kretala u rasponu od 1 godine do 5 godina, a u 2 predmeta osuđenim osobama je naloženo da nadoknade štetu oštećenom i to u jednom predmetu u iznosu od 80.479,10 KM, a u drugom predmetu u iznosu od 105.000,00 KM. U 2 predmeta je oduzeta imovinska korist pribavljena krivičnim djelom i to u jednom u iznosu od 135.900,87 KM, a u drugom u iznosu od 54.376,50 KM.

Iz 2020. godine prenesena su kao neriješena 3 predmeta organiziranog kriminala. U 2021. godini primljen je 1 predmet organiziranog kriminala, tako da je ukupno u radu bilo 4 predmeta.

U 2021. godini nije riješen ni jedan predmet, tako da su na kraju godine ostala neriješena 4 predmeta, koja su aktivna i u kojima sudije postupaju.

- **Drugostepeni prekršajni referat**

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnim postupcima.

Iz 2020. godine preneseno je neriješenih 46 predmeta. U toku 2021. godine primljeno 360 predmeta, tako da je ukupno u radu bilo 406 predmeta. U 2021. godini riješeno je 333 predmeta, a ostalo neriješeno 73 predmeta, što u odnosu na 2020. godinu predstavlja povećanje od 27 predmeta ili procentualno od 7,5%. Međutim, obzirom na mali broj neriješenih predmeta na ovom referatu, može se zaključiti da je ovaj referat ažuran.

- **Zastarjelost pokretanja i vođenja krivičnog i prekršajnog postupka**

U 2021. godini nije bilo predmeta u kojima je nastupila apsolutna ili relativna zastara vođenja krivičnog postupka. Također ni u jednom drugostepenom prekršajnom predmetu nije bilo evidentirane zastare vođenja prekršajnog postupka.

Sud posebnu pažnju posvećuje pitanju zastarjelosti krivičnog i prekršajnog postupka i prioritet u radu imaju krivični i prekršajni predmeti u kojima postoji eventualna mogućnost da će nastupiti zastarjelost vođenja postupka.

VII – RAD GRAĐANSKOG ODJELJENJA

U nadležnosti ovog odjeljenja je vršenje poslova drugostepenog suđenja u parničnim predmetima, poslova priznanja odluka stranih sudova, postupak po vanrednom pravnom lijeku (ponavljanje postupka), odlučivanje o žalbi na rješenje doneseno povodom prijedloga za ponavljanje postupka, kao i poslovi praćenja i proučavanja sudske prakse, a koji poslovi se obavljaju kroz drugostepeni građanski referat, prvostepeni referat i referat priznanja stranih sudskih odluka.

U Građansko odjeljenje bilo je raspoređeno 17 sudija, s tim što je jedan sudija 28.02.2021. godine otišao u penziju, a drugi sudija dana 09.11.2021. godine. Također jedan sudija sa građanskog referata imenovan je u drugi sud dana 16.08.2021. godine, pa je ovaj referat ostao uskraćen još za jednog sudiju. Tokom 2021. godine odlukama VSTV BiH izvršen je prijem dvoje sudija koji su raspoređeni na ovaj referat i to jedan sudija dana 01.03.2021. godine, a drugi dana 16.08.2021. godine, tako da je do kraja 2021. godine u ovom odjeljenju radilo 15 sudija.

U toku 2021. godine na parničnom referatu primljeno je 2.866 predmeta, tako da sa 5.728 predmeta koji su preneseni iz 2020. godine, na ovom referatu ukupno u radu je bilo 8.594 predmeta. Od tog broja riješeno je 3.886 predmeta, a ostalo neriješeno 4.708 predmeta, što u odnosu na 2020. godinu kada je na kraju godine ostalo neriješeno 5.728 predmeta, predstavlja smanjenje broja neriješenih predmeta za 1.020 predmeta ili procentualno 17,80%. Ovo smanjenje bi bilo znatno više da jedan sudija nije bio na dužim bolovanjima u toku godine, da dvoje sudija nije otišlo u penziju, i da jedna sudija nije prešla u drugi sud.

Također, još bolji rezultati bi se postigli da je završena konkursna procedura prijema novih dvoje sudija koji bi bili raspoređeni u ovo odjeljenje.

Kao i u prethodnoj godini na ovom referatu i dalje su zastupljeni predmeti koji se odnose na ostvarivanje prava iz radnog odnosa, potraživanje po osnovu duga, naknade štete, imovinsko – pravne sporove, privredne sporove, izvršne, vanparnične predmete, kao i zemljišno – knjižne predmete.

Obzirom na veliki broj predmeta kojima su sudije zadužene u okviru Građanskog odjeljenja uloženi su maksimalni naponi da se smanji broj neriješenih predmeta, a što je bio i cilj Plana rješavanja predmeta kojeg je donio ovaj sud na početku godine, te je u 2021. godini uspio riješiti tekući priliv predmeta i za 1.020 predmeta smanjiti ukupan broj neriješenih predmeta, što predstavlja značajan napredak u odnosu na prethodne godine.

Svaki sudija na građanskom referatu zadužen je u prosjeku sa oko 300 neriješenih predmeta što predstavlja normu od 1 godine i 6 mjeseci svakog sudije na građanskom referatu, bez tekućeg priliva. Ako se uzme u obzir broj neriješenih predmeta na kraju 2021. godine na ovom referatu koji iznosi 4.708 predmeta, pored postojećih bilo bi potrebno još 8 dodatnih sudija da radi u periodu od 1 godine da bi se mogao riješiti taj broj predmeta, pod uslovom da te sudije ne dobiju ni jedan novi predmet u rad i da nemaju odsustva po bilo kom osnovu.

Poseban problem kada je u pitanju rad građanskog referata predstavlja suđenje u razumnom roku. U prethodnom periodu ovaj sud je suočen sa problemom podnošenja velikog broja apelacija od strane stranaka Ustavnom sudu BiH, kako u predmetima koji nisu završeni, tako i u predmetima koji su završeni, a sve u cilju ostvarenja prava na naknadu materijalne štete. Ovaj sud nema dovoljan broj sudija da bi mogao blagovremeno rješavati predmete u nekom razumnom roku od godinu dana, iz kojih razloga stranke i podnose apelacije Ustavnom sudu BiH. Ukoliko bi se želilo postići suđenje u razumnom roku, Kantonalnom sudu u Tuzli treba odobriti sredstava za popunu potpune sistematizacije, a to znači izbor još 5 stalnih sudija u skladu sa postojećom sistematizacijom, a pored 4 sudija za koje pozicije je konkurs trenutno u toku.

U okviru Građanskog odjeljenja Kantonalni sud u Tuzli je dao podršku Projektu „Sedmica sudske nagodbe“ koji se održao u periodu od 07. do 18. juna 2021. godine i u periodu od 22. novembra do 03. decembra 2021. godine, pozivanjem stranaka da pristupe u sud i da u cilju efikasnijeg rješavanja njihovih predmeta u postupku po žalbi pred ovim sudom zaključe sudsku nagodbu, jer će na taj način skratiti vrijeme trajanja spora, kao i ostale troškove nastale u vezi sa sudskim postupkom. Međutim, nije bilo interesovanja stranaka da spor pred sudom riješe na ovaj način, tako da ovaj projekat nije dao očekivane rezultate.

VIII – RAD UPRAVNOG ODJELJENJA

U nadležnosti ovog odjeljenja je odlučivanje u svim upravnim sporovima, kao i o zahtjevima za zaštitu sloboda i prava utvrđenih Ustavom, ako su takve slobode i prava povrijeđeni konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

Na referatu upravnog spora iz 2020. godine preneseno je 306 predmeta, a u toku 2021. godine primljeno je 404 predmeta, tako da je u 2021. godini ukupno u radu bilo 710 predmeta, dakle za 108 predmeta manje nego u 2020. godini. U toku 2021. godine riješeno je 493 predmeta i na kraju godine ostalo je neriješeno 217 predmeta, što predstavlja smanjenje broja neriješenih predmeta za 90 predmeta u odnosu na 2020. godinu. U 2021. godini postignuti su značajni rezultati na smanjenju broja neriješenih predmeta, jer na ovom referatu sada radi dvoje sudija, tako da se broj neriješenih predmeta smanjuje i predmeti rješavaju u optimalnim rokovima, pa se može zaključiti da je ovaj referat izuzetno ažuran.

IX – DUŽINA TRAJANJA POSTUPKA NA REFERATIMA

Prosječno trajanje postupka na drugostepenom parničnom referatu iznosilo je 840 dana, a na drugostepenom privrednom referatu 1.006 dana, jer se predmeti rješavaju po starosti inicijalnog akta kojim je postupak pokrenut pred općinskim sudom i po starosti inicijalnog akta kojim je pokrenut postupak pred ovim sudom, tako da se građanski predmeti posebno ne odvajaju, nego sudije rješavaju sve vrste građanskih predmeta isključivo po starosti inicijalnog akta.

Na prvostepenom krivičnom referatu prosječno trajanje postupka iznosi 198 dana, a u ove postupke su uključeni predmeti ratnih zločina, koji se zbog složenosti postupka ne mogu riješiti u optimalnim rokovima ili se ne mogu riješiti zbog nedostupnosti optuženih lica protiv kojih su raspisane potjernice.

Postupak po žalbi u vanparničnim predmetima prosječno je trajao 579 dana, jer se i u ovim predmetima postupa po starosti inicijalnog akta, odnosno akta kojim je pokrenut postupak pred općinskim sudom i pred ovim sudom.

Prosječno trajanje postupka u predmetima upravnog spora iznosio je 258 dana i ispod je predvidivog roka.

Ispod predvidivog roka je i postupak u drugostepenim krivičnim predmetima u kojima je postupak trajao 158 dana i u drugostepenim prekršajnim predmetima u kojima je postupak trajao 81 dan.

Također ispod predvidivog roka je i postupak u zemljišno – knjižnim predmetima, stečajnim predmetima, u postupku ponavljanja postupka u građanskim stvarima i prilikom odlučivanja o žalbi na mjeru osiguranja.

U postupcima odlučivanja o žalbi na odluke o ponavljanju postupka, i o samom ponavljanju postupka, prosječno trajanje predmeta iznosi 91 dan i ispod je predvidivog roka.

Prosječno trajanje riješenih predmeta u sudu na godišnjem nivou iznosi 575 dana, a prosječno trajanje neriješenih predmeta 492 dana.

Nedovoljan broj sudija, stručnih saradnika i dugotrajna odsustva sudija zbog bolesti na referatima na kojima ima najviše neriješenih predmeta, uticalo je na prosječno trajanje riješenih i neriješenih predmeta.

X – ZAKLJUČAK

Na osnovu podataka navedenih u informaciji o radu Kantonalnog suda u Tuzli za 2021. godinu može se zaključiti da je sud postigao izuzetno dobre rezultate u svom radu, da je uspio riješiti veći broj predmeta u odnosu na tekući priliv predmeta, pa u konačnici i smanjiti broj neriješenih predmeta u odnosu na prethodnu 2020. godinu za skoro 20%, iako je radio u nepopunjenom kapacitetu, jer je dvoje sudija u toku 2021. godine otišlo u penziju, jedan sudija je prešao u drugi sud, a dvoje sudija su bili odsutni u toku godine zbog bolovanja u dužem vremenskom trajanju i to jedan sudija 11 mjeseci, a drugi 7 mjeseci.

Iako je bio raspisan konkurs za dvoje sudija na građanskom i dvoje sudija na krivičnom odjeljenju, izbor ovih sudija nije izvršen u 2021. godini, a što bi u značajnoj mjeri uticalo još na bolje rezultate rada u pogledu broja riješenih predmeta.

U ovom sudu nije popunjena sistematizacija i sudu nedostaje još 5 sudija da bi sud radio u punom kapacitetu. Nadamo se da ćemo u narednom periodu uspjeti popuniti sistematizaciju suda izborom sudija od strane Visokog sudskog i tužilačkog vijeća BiH po raspisanom konkursu, kao i da će nam Vlada Tuzlanskog kantona dati saglasnost za izbor sudija koji nedostaju po upražnjenoj sistematizaciji, jer smo budžetom suda za 2022. godinu obezbijedili sredstva za izbor još 2 sudija.

Skoro sve sudije na svojim referatima ostvaruju utvrđenu programsku normu, pa čak je i prebacuju, a na što ukazuje procenat ostvarene kolektivne norme suda za 2021. godinu od 114,80%. Međutim, bez popune sistematizacije u potpunosti, ne mogu se očekivati rezultati u smislu optimalne ažurnosti, jer nedostatak sudija direktno utiče na ukupan broj riješenih predmeta, a time i na suđenje u razumnom roku.

Stoga smatramo, da bi bilo opravdano da se u potpunosti popuni sistematizacija ovog suda u pogledu utvrđenog broja sudija koji nedostaju po sistematizaciji suda, jer se samo na taj način može postići suđenje u razumnom roku i brže rješavanje predmeta i ostvarenje prava građana na efikasnu pravnu zaštitu u sudskom postupku. Popunjavanje sistematizacije suda dovelo bi do toga da bi stranke u sudskom postupku brže mogle ostvariti svoja prava i ne bi se obraćale Ustavnom sudu BiH, zbog suđenja u razumnom roku, jer za naknade materijalne štete koje Ustavni sud BiH dosuđuje strankama u posljednjih nekoliko godina mogla su se obezbijediti sredstva za izbor nekoliko sudija koji bi radili na rješavanju neriješenih predmeta.

Također, Visoko sudsko i tužilačko vijeće BiH moglo bi preduzeti aktivnosti da prije odlaska sudije u penziju raspiše konkurs za popunu te pozicije, tako da ne postoji duži vremenski period upražnjeno mjesto sudije, jer se to direktno održava na ukupan broj završenih predmeta u sudu.

U Kantonalnom sudu u Tuzli građanski referat je najopterećeniji referat, jer ima najveći broj neriješenih predmeta, a nedovoljan broj sudija koji bi radili na tim predmetima. Naime, svaki sudija na građanskom referatu u prosjeku zadužuje oko 300 neriješenih predmeta, što znači da kada sud ne bi primio ni jedan novi predmet, sudijama na građanskom referatu bi trebale 2 godine da riješe zadužene predmete. U 2021. godini uspjeli smo postići smanjenje broja neriješenih predmeta na drugostepenom krivičnom referatu i referatu upravnog spora i dovesti te referate u stanje da se predmeti rješavaju u daleko kraćim rokovima.

Također smatramo, da je jedna od mjera koja može uticati na efikasniji rad suda delegiranje sudija iz sudova koji imaju daleko manji broj predmeta u radu ili ih nemaju, u sud koji je opterećen većim brojem predmeta, kao što je to Visoko sudsko i tužilačko vijeće BiH učinilo delegiranjem sudija iz Kantonalnog suda u Odžaku u Kantonalni sud u Tuzli, koji u toku godine urade značajan broj predmeta i svojim radom utiču na efikasniji rad ovog suda u pogledu rješavanja neriješenih predmeta. Ovaj institut se može uspješno primijeniti ne samo na rad kantonalnih sudova, nego i na rad općinskih sudova koji nemaju dovoljan broj predmeta u radu.

Efikasnijem radu suda doprinosi odgovarajući broj stručnih saradnika – državnih službenika koji bi pod nadzorom sudije radili na rješavanju predmeta. Sudu nedostaju još 4 stručna saradnika koji bi pod mentorstvom sudije radili na rješavanju predmeta iz građansko – pravne oblasti i krivično – pravne oblasti, obzirom da na građanskom referatu ima dosta neriješenih predmeta, a na krivičnom referatu zbog složenosti predmeta kojima su sudije zadužene, kao što su predmeti korupcije, predmeti organiziranog kriminala i ratnih zločina, sudijama kao podrška u radu su neophodni stručni saradnici. U toku 2021. godine, jedan stručni saradnik je odlukom Visokog sudskog i tužilačkog vijeća imenovan za sudiju Općinskog suda u Tuzli, te je ovaj sud krajem 2021. godine pokrenuo konkursnu proceduru za popunu upražnjenog radnog mjesta stručnog saradnika u sudu. Sudije na krivičnom referatu zbog složenosti predmeta u kojima se vode krivična suđenja i zbog raznovrsnosti krivičnih djela, obavezno bi morali imati u svom timu i stručne saradnike, osobe sa završenim Pravnim fakultetom i položenim pravosudnim ispitom, koji bi tim sudijama bili podrška u radu u pogledu pripreme predmeta za suđenje, koncentracije dokaza i evidentiranja svih neophodnih radnji, a koje sudijama oduzimaju puno vremena u smislu aktivnog proučavanja i rada na krivičnom predmetu. Na ovaj način bi se stručnim saradnicima pružila prilika da se stručno usavršavaju za budući rad u pravosuđu, a plaće za njihov rad ne bi predstavljale veliko opterećenje budžetu suda.

Također jedna od mjera koja može uticati na efikasniji rad suda je odgovarajući broj administrativno – tehničkog osoblja, naročito daktilografa koji rade neposredno sa sudijom. U 2021. godini zahvaljujući podršci Vlade Tuzlanskog kantona koja je obezbijedila novčana sredstva ovaj sud je pokrenuo procedure prijema zaposlenika sa srednjom stručnom spremom na poziciju administrativno – tehničkog zaposlenika (sudski dostavljač),

referenta poslova unutrašnjeg i vanjskog osiguranja objekta (portir) i višeg referenta za operativno tehničke poslove (daktilograf), iako postoji potreba za većim brojem ovih zaposlenika, obzirom na povećani obim sudijskog posla koji utiče na povećan obim i administrativno – tehničkog posla. Svaki sudija u svom radu mora imati svog saradnika – daktilografa, a što do sada to nije bio slučaj, jer jedan saradnik radi sa dvoje sudija na koji način to predstavlja opterećenje za samog saradnika, a i opterećenje za sudiju, jer ne može imati saradnika koji bi radio s njim svaki dan. Pri tome, treba imati u vidu da postojeći saradnici sudija koji rade kao viši referenti za operativno – tehničke poslove (daktilografi), taj posao rade dugi niz godina i dobar dio ovih zaposlenika nalazi se pred penzijom i u svakom slučaju bi trebalo postepeno popunjavati upražnjena mjesta mlađim zaposlenicima. Otežavajuća okolnost koja je pratila rad suda u 2021. godini bila su bolovanja uzrokovano virusom Covid 19, jer je veliki broj zaposlenika zbog ličnih zdravstvenih problema, te problema članova uže porodice bilo primorano na odsustovanje sa posla određeni vremenski period.

U 2021. godini Vlada Tuzlanskog kantona je Kantonalnom sudu u Tuzli kroz budžetska sredstva obezbijedila dovoljno sredstava da sud može potpuno funkcionisati i ispunjavati svoje obaveze. Pored toga, Vlada Tuzlanskog kantona kroz kapitalna sredstva obezbijedila je Kantonalnom sudu u Tuzli iznos od 79.900,00 KM za nabavku službenog automobila, kancelarijskog namještaja, nabavku microsoft licenci, nabavku hidrocelnog postrojenja, nabavku radova rekonstrukcije šahta, naknade i takse za tehnički prijem objekta i izdavanje upotrebne dozvole. Kroz postupak javnih nabavki koji je proveo ovaj sud u skladu sa zakonom, sredstva su iskorištena za svrhu za koju su i odobrena.

U pogledu saradnje Kantonalnog suda u Tuzli sa drugim institucijama, valja istaći izuzetno dobru saradnju sa Visokim sudskim i tužilačkim vijećem Bosne i Hercegovine, koje prati rad ove pravosudne institucije i pruža joj podršku u radu. Izuzetno dobra saradnja je ostvarena i sa Vrhovnim sudom Federacije Bosne i Hercegovine, Vladom Tuzlanskog kantona, Ministarstvom pravosuđa i uprave i Ministarstvom finansija Tuzlanskog kantona, Kantonalnim tužilaštvom Tuzlanskog kantona, općinskim sudovima na području Tuzlanskog kantona, Odjeljenjem sudske policije sudova u Tuzlanskom kantonu, Centrom za edukaciju sudija i tužilaca u Federaciji BiH, kao i ostalim institucijama sa kojima se sud susreće u svom radu.

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-22-000 175

Datum, 16. februar 2022. godine

PREDSJEDNIK SUDA

Indira Hadžimehmedović